



Cumün da vaschins Zernez

Protocol

Radunanza da vaschins da marcurdi, als 13 december 2023, a las 20.00, i'l auditori dal Parc Naziunal Svizzer a Zernez

Preschaints: 18 vaschinas e vaschins cun dret da vuschar

S-chüsats: Domenic Toutsch, Michela Duschletta, Bice Godly, Martina Rest e Seraina Bickel

Tractandas:

- 1. Salüd e bivgnaint**
 - 2. Tscherna da duos scrutinadurs**
 - 3. Protocol da la radunanza dals 23 november 2022**
 - 4. Approvaziun dal quint cumünal dals vaschins da Zernez pel 2022**
 - Rendaquint 2022
 - Rapport da revisiun 2022
 - 5. Tschernas**
 - 1. Tscherna d'ün president**
 - 2. Tscherna da 4 commembers per la suprastanza**
 - 3. Reelecziun d'ün revisur da quint**
 - 4. Tscherna d'ün revisur da quint**
 - 6. Orientaziuns**
 - 7. Varia e comunicaziuns**
-

1. Salüd

Il president, Rico Zala, salüda la radunanza e giavüscha la buna saira. El constatescha cha la bannida es ida oura per temp sco üsità e cha la radunanza es abla da decider. El preschainta la glista da tractandas e lascha approvar quella da la radunanza.

2. Tscherna da duos scrutinadurs

Sco scrutinadurs vegnan tschernüts Jon Andrea Könz e Fabian Schorta.

3. Protocol da la radunanza dals 23 november 2022

Il protocol es stat expost illas assas nairas e sülla pagina d'internet dal cumün. El vain approvà sainza discussiun.

4. Approvaziun dal quint cumünal dals vaschins da Zernez pel 2022

Il president dals vaschins, Rico Zala, preschainta detagliadamaing il simpel quint cumünal. Il cumün da vaschins ha chaschunà d'ürant il 2022 spaisas da fr. 2119.70

quellas vegnan pajadas dal cumün politic chi ha la giodia dal possess dals vaschins. Implü haja dat entradas da taxas da vaschinadi e da vendita da cudeschs da fr. 787.50
quellas augmantan per la fin dal 2022 il chapital dals vaschins sül conto da passagi
manà da l'administraziun dal cumün politic sün fr. 17'309.40.

Fabian Schorta prelegia il rapport da revisiun cha'ls trais revisurs da quint preschaintan
per mans da la radunanza cun proposta da far bun il quint e dar dis-charg als organs
respunsabels.

La radunanza segua a quella proposta e fa bun tant il quint sco eir il rapport dals
revisurs cun unanimità da vuschs.

5. Tschernas

Il president, Rico Zala, orientescha cha quist on sun quai nouv ons daspö la fusiun dals
veglis cumüns da vaschins e la tscherna da la suprastanza. Cun quai cha tuot ils
suprastants sun stats in uffizi daspö quella vouta, ragiundschan uossa tuots la limita da
temp d'uffizi. Perquai sun hoz da tscherner tant ün president nouv sco eir 4
commembers da la suprastanza. Eir la revisura da quint, Christa Pinggera ha ragiunt la
limita da temp d'uffizi. El inchaminescha a las tschernas.

1. Tscherna d'ün president

Il president Rico Zala propuona al actuar da fin qua, il suotsegnà Hermann Thom.
Quel declera ch'el saja pront d'as metter a disposiziun per la carica per garantir üna
tscherta cuntinuità. OTRAS propostas nu vegnan fattas.

Il scrutin ha gnü seguaint esit:

fögls scumpartits	18
vuschs entradas	18
vöd	1
majorità assoluta	9
Hermann Thom es elet cun	16 vuschs
singulas vuschs	1

2. Tscherna da quatter commembers per la suprastanza

Propostas sun idas aint per Cla Duri Cuorad da Lavin, Flurin Bezzola da Zernez,
Martina Rest da Susch e Mattias Toutsch da Zernez.

Il scrutin ha gnü seguaint esit:

fögls scumpartits	18
vuschs entradas	69
cifra electorala	9
Cla Duri Cuorad es elet cun	17 vuschs
Flurin Bezzola es elet cun	17 vuschs
Martina Rest es eletta cun	17 vuschs
Mattias Toutsch es elet cun	17 vuschs
singulas vuschs	1

3. Reelecziun d'ün revisur da quint

Cun quai chi va per üna reelecziun sainza cuntercandidats, es **Fabian Schorta** gnü
reelet sco revisur da quint cun unanimità da vuschs in votaziun averta. El es reelet per
ün on e lura scada eir seis temp d'uffizi da 9 ons.

4. Tscherna d'ün revisur da quint

Proponü sco nouv revisur da quint es gnü il president scandent, Rico Zala.

Il scrutin ha gnü seguaint esit:

fögls scumpartits	18
vuschs entradas	18
vöd	1
majorità absoluta	9
Rico Zala es elet cun	16 vuschs
singulas vuschs	1

Uschè sun las elecziuns pel prossem tienni fattas. Ils candidats elets aintran in carica als 1. schner dal 2024. Tanteraint sun da far tschernas o reelecziuns pels revisurs da quint.

6. Orientaziuns e Varia

Il president da vaschins, Rico Zala, orientescha cha quist on nun haja dat insomma ingünas natüralisaziuns. Na be chi nun ha dat ingünas dumondas da natüralisaziun o da dret da vaschinadi da personas in cumün, ma i nun ha dat eir ingünas natüralisaziuns simplifichadas, da las qualas il cumün da vaschins vain be infuormà.

6. Orientaziuns e Varia

Il president da vaschins, Rico Zala, cloma il prüm al president e lura als suprastants nouvelets davantvart per far la saramantaziun da tuots. La saramantaziun da Martina Rest chi'd es s-chüsada vain fatta in üna prosma radunanza.

Lura esa gnü uschè inavant cha nos president, Rico Zala, piglia cumgià da la radunanza da vaschins, davo avair d'ürant blers ons adüna gnü üna funcziun pel cumün da vaschins. El s'vess es gnü vaschin da Zernez e be ün on davo es el gnü tschernü sco suppleant da la suprastanza. El es plü tard dvantà suprastant e president dal cumün da vaschins da Zernez avant la fusiun ed es uossa stat 9 ons president dal cumün da vaschins da Zernez daspö la fusiun.

Il suotsegnà Hermann Thom piglia il pled per onurar a tuot ils quels chi sun hoz per l'ultima vouta in üna radunanza in carica pel cumün da vaschins. La revisura Christa Pinggera chi avant es statta eir in suprastanza dal cumün da vaschins da Zernez avant la fusiun. Lura Mattias Bulfoni chi d'eira eir fingià pro'l cumün da vaschins da Susch stat in carica sco president. Peider Saluz d'eira stat suprastant eir fingià pro'l cumün da vaschins da Lavin e Mirco Depeder d'eira stat suprastant pro'l cumün da vaschins da Zernez avant la fusiun. Tuots han uossa causa la limita da temp d'uffizi gnü da demischiunar ed han d'ürant blers ons s'ingaschats per nos cumün da vaschins e seis antecessurs. Ad els tuots ün sincer «grazcha fichun!».

Da la tractanda varia nu vain fat oter adöver.

La radunanza po gnir serrada a las 20.57

Il president:

L'actuar:

Rico Zala

Hermann Thom